

香釋坐忘志果

壬戌香齋
方壺顯卷

善書勸人挽回人心
出貲購送一片誠心
願我同人各存良心
拉雜拋棄有違天心
轉送他人可見熱心
愛者受之必感德心

誠心觀閱大有裨益
如無暇看不可亂撇
轉送他人神察歡悅
天必默佑子孫瓜瓞

全
成
初
煉
止
香

釋 音

罌
王
芬
誌
果

印
明
方
壺

上海河南路中市
宏大書局藏版

坐花誌果八卷吾友汪君調生之所作也調生浙西名士隨宦江左屢佐
劇幕譽滿藝林取平日濡染所及筆之於書不知調生者怖其聞見之廣
謂足資譚諧供嗚噓其知者則曰是調生救世苦心而以筆代舌雖覺夢
之晨鐘迷津之寶筏無以逾此小說九百始自虞初漢魏以降喜作浮夸
艷異之詞造端指事危言日出浮休乾膜淺而不經齊諧諾皋誕而無當
縱哀然成帙無補世教宋人則詳於國故朝章及前言往行史家往往取
衷焉 本朝競尚蒲留仙志異一書其用筆彷彿遷固極才人之能事然
所紀半屬鬼狐餘亦雜以游戲識者不無遺憾乾隆間河間紀文達公抱
宏通淹雅之才撰錄四庫全書提要以俶直餘畧成灤陽消夏錄如是我
聞槐西雜志諸書一時風行海內其大旨以考據辨論之作卽甚精覈非
好學深思者鮮克心知其意惟稗官小說自士林以迄農賈無不雅意瀏
覽津津樂道故寓勸懲於筆墨之中其書易行其言亦易入所謂覺夢晨


鐘迷津寶筏惟文達足以當之今調生雅負雋才思以科名自奮而屢踏槐黃輒成康了不得入資為簿尉衙官屈宋古今同慨此書叙事簡雅論斷不苟且實事求是博訪再三無臆造之言雷同之說其足婉文達與否誠不敢知要其救世苦心吾於調生益信之矣調生近客吾邑過從較密結契尤深承命校訂遂不慚弁陋而序之云

咸豐歲次丁巳夏四月下浣丹陽荆履吉拜敘

坐花誌果音釋序

坐花誌果一書羅列果報勸懲並著誠善本也然向無音註閱者憾焉余欲註之而病以譴陋意者天下之大當有同志姑以俟之可乎歲戌寅余館申江會同客諸君釀資謀鐫善書中有一冊即向所欲註之坐花誌果也先是夢鄉胡君亦館於此攻課之暇舉是書而音釋之朝而考夕而稽兩閱寒暑而功以竣其心亦良苦矣且不欲名之彰而託以鷺峯樵者其志尤足多矣由是觀之古今來之善量不猶在人寰耶胡君之心不敢謂即余之心然胡君好善之心適合乎余向者有志未逮之心不可謂不幸矣今胡君遽歸道山不獲見是書之成良可惜焉至其考核之精詳訓詁之真切有目者所共賞又何贅言


光緒戊寅季春上澣泉唐問竹主人識於春申旅次



重刊坐花誌果弁言

從來勸善諸書不勝枚舉其家喻而戶曉者則如太上感應篇陰騭文覺世經功過格要皆迷津寶筏清夜警鐘迺行世已久轉視為老生常談都半高閣置之不復寓目近有坐花誌果一書筆甚典雅文亦顯豁所載胥道咸間實事一二父老猶有耳熟能詳者似較感應諸書尤為切近經樂善君子詳加音釋披覽更自便易其中為善者昌為惡者殃歷歷如繪無毫髮爽洵足以感善心而懲薄俗茲因原版移助析津爰特重為校印以廣傳流所願閱是書者見善則遷知過必改持之以恒行之以實庶幾收開卷之益而食無窮之報也是為序

光緒戊子仲春下泮媚青蔡鴻儀書于春申寓次



重刊坐花誌果緣起

仁和汪調生先生具史才筆存救世心舉道光咸豐間見聞之事足關勸懲者著成此編將以感發人心誠盛意也始刊於奧東流傳所及閱者愛之同治季年錢塘胡夢鄉明經詳加註釋有典必徵無義不析俾好學者便於討論尤足為開卷之益註既竣重刊於海上未幾楊殿臣刺史創善書局於津門因將書版移贈茲經同志諸君重為讐校謀付手民鎔鑄鉛版以供樂善君子隨時印送似於正人心端風俗不無小補云

光緒戊子仲春下泮浙西仰成氏謹識於海上城北寓齋


凡例

一是書專記三十年以來耳聞目見有關懲勸之事凡年代久遠已見前賢記載者概不濫登以免雷同襲取之誚

一是書原期雅俗共鑒婦孺皆知故行文務取委曲詳明不敢以簡潔為高轉滋晦澁亦不敢以新奇鬪異致失本真

一後果前因固貴現身而說法隱惡揚善尤為古訓所昭垂是編凡有一善可書者姓名籍貫苟有可徵不嫌其詳惡事則但書事蹟不載姓名俾孝子慈孫不致廢書三歎

一是編事皆徵實不敢憑空結撰蹈齊諧誌怪之轍惟書中事蹟出自友朋傳述者多不無傳聞異辭之患設有互異處尚祈知者諒之



音釋例言

一音釋是書志在廣為流傳凡句義字義稍涉疑難處不憚詳明庶使粗通文理者閱之瞭如指掌

一集中引用各典除非詳錄本末不能分明者僅註某書某句若係成句僅註句出某書以歸簡易

一集中引用之典有一時無從詳其出處者句下加出處未詳數字復照管見所及妄釋數語如實難強解者姑闕之以待博雅君子

一集中引用之典前篇已經詳註者後篇則書註詳某卷某篇如字數在十字內者仍依前重註聊免閱者翻尋

一凡字有須音解者必逐篇音解不敢因前篇已經音解而入後從略庶使隨手翻閱即能成誦至一篇中有一字而疊見者音解亦不重複當圈聲者僅照四聲加圈而已

一考前賢音諸書難字皆本唐韻集韻正韻韻會等所音何字不敢擅以同聲之字相易但如囁嚅之囁日涉切今仍依集韻以囁字音之夢魘之魘么琰切今仍依韻會以癩字音之終不免讀者估屈聾牙之苦凡似此者茲概代以習見字庶合音釋是書本意

一凡難字或係平聲而平聲中實無習見字可音者則於上去入中擇一音相近之習見字照叶韻法音之雖會計場中非皆能辨四聲即令以上叶平者而仍讀上聲以入叶去者而仍讀入聲覺音猶相似亦不致有千里之差似較勝於以難字音難字也

一註中所錄書名及各典原本並原本註其中難字祇得從畧概不音釋至所綴淺解亦必力避難字

一常見圈聲字每篇內僅照四聲加圈另列總音釋一頁於卷首庶歸簡便若非常見者不在此例

音釋坐花誌果目錄

卷之一

何孝子

十金易命

吳生

穩婆苦節

卷之二

乞丐福報

阜隸福報

湯封翁

沈鴻飛

口業

萬彥齋封翁二則

余生削籍

錢文敏公

偷兒福報

陽羨生

劉會元

某刑名

胡封翁

張觀察

卷之三

一洋致富

包巽權

宣城盜

梅樹藏銀

勘災二則

昧銀被誣

卷之四

獲盜受譴七則

吳門細娘

費封翁

荷池洗硯

曹之英

鬼捉醮婦

正直為神

一震三人

火漆藏銀

廣平生

某烈婦

費善人